ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ ЎЗБЕКИСТОН РЕСПУБЛИКАСИ БОШ ПРОКУРАТУРАСИ ХУЗУРИДАГИ СОЛИК, ВАЛЮТАГА ОИД ЖИНОЯТЛАРГА ВА ЖИНОИЙ ДАРОМАДЛАРНИ ЛЕГАЛЛАШТИРИШГА ҚАРШИ КУРАШИШ ДЕПАРТАМЕНТИНИНГ КАРОРИ

493 Аудиторлик ташкилотлари учун жиноий фаолиятдан олинган даромадларни легаллаштиришга ва терроризмни молиялаштиришга қарши курашиш буйича ички назорат қоидаларини тасдиқлаш туррисида

Ўзбекистон Республикаси Адлия вазирлиги томонидан 2009 йил 3 ноябрда рўйхатдан ўтказилди, рўйхат рақами 2035

(2009 йил 13 ноябрдан кучга киради)

«Жиноий фаолиятдан олинган даромадларни легаллаштиришга ва терроризмни молиялаштиришга қарши курашиш тўгрисида»ги Ўзбекистон Республикаси Қонунининг 6-моддасига мувофиқ (Ўзбекистон Республикаси қонун хужжатлари тўплами, 2004 йил, 43-сон, 451-модда) Ўзбекистон Республикаси Молия вазирлиги ва Бош прокуратура хузуридаги Солиқ, валютага оид жиноятларга ва жиноий даромадларни легаллаштиришга қарши курашиш Департаменти **қарор қилади:**

- 1. Аудиторлик ташкилотлари учун жиноий фаолиятдан олинган даромадларни легаллаштиришга ва терроризмни молиялаштиришга қарши курашиш буйича ички назорат қоидалари иловага мувофиқ тасдиқлансин.
- 2. Мазкур қарор Ўзбекистон Республикаси Адлия вазирлигида давлат руйхатидан утказилган кундан бошлаб ун кун утгандан кейин кучга киради.

Молия вазири

Р. АЗИМОВ

Тошкент ш., 2009 йил 13 октябрь, 102-сон

Бош прокуратура хузуридаги Солик, валютага оид жиноятларга ва жиноий даромадларни легаллаштиришга қарши курашиш департаменти бошлиғи

3. ДЎСАНОВ

Тошкент ш., 2009 йил 13 октябрь, 42-сон

Аудиторлик ташкилотлари учун жиноий фаолиятдан олинган даромадларни легаллаштиришга ва терроризмни молиялаштиришга қарши курашиш буйича ички назорат ҚОИДАЛАРИ

Мазкур Қоидалар «Жиноий фаолиятдан олинган даромадларни легаллаштиришга ва терроризмни молиялаштиришга қарши курашиш тўгрисида»ги Ўзбекистон Республикаси Қонунига (Ўзбекистон Республикаси қонун ҳужжатлари тўплами, 2004 йил, 43-сон, 451-модда) мувофиқ бухгалтерия ҳисобини юритиш бўйича профессионал ҳизматларни кўрсатиш жараёнида мижозлар номидан битимларни тайёрлаш ва амалга оширишда пул маблаглари ва бошқа мулк билан боглиқ операцияларни амалга оширувчи аудиторлик ташкилотлари учун жиноий фаолиятдан олинган даромадларни легаллаштиришга ва терроризмни молиялаштиришга қарши курашиш мақсадида ички назоратни ташкил этиш ва амалга ошириш тартибини белгилайди.

І. Умумий қоидалар

- 1. Мазкур Қоидалар Ўзбекистон Республикаси худудида бухгалтерия хисобини юритиш буйича профессионал хизматларни курсатувчи аудиторлик ташкилотларига татбиқ этилади.
- 2. Мазкур Қоидаларда қуйидаги асосий тушунчалардан фойдаланилади: **бенефициар мулкдор** якуний қолатда мулк хуқуқига эгалик қилувчи ёки мижозни ҳақиқатда назорат қилувчи жисмоний шахс ёхуд манфаати кузланган ҳолда пул маблағлари ёки бошқа мол-мулк билан боғлиқ операция амалга оширилаётган юридик шахс;

ички ҳужжатлар — аудиторлик ташкилотлари раҳбарлари томонидан тасдиқланадиган ички назоратни ташкил этиш ва амалга ошириш тартибини белгиловчи ҳужжатлар;

ички назорат — бухгалтерия ҳисобини юритиш буйича профессионал хизматларни курсатиш жараёнида махсус ваколатли давлат органига хабар қилиниши лозим булган шубҳали операцияларни аниқлаш буйича аудиторлик ташкилотининг фаолияти;

мижозни идентификациялаш — мижозни лозим даражада текширишни амалга ошириш максадида улар томонидан такдим этилган хужжатлар асосида мижозлар ҳақидаги маълумотларнинг аудиторлик ташкилотлари томонидан аникланиши;

мижоз — қонун ҳужжатлари билан белгиланган тартибда аудиторлик ташкилоти билан бухгалтерия ҳисобини юритиш буйича профессионал ҳизматларни курсатиш туррисида шартнома тузган юридик шахс;

мижозни лозим даражада текшириш — мижозни ва қайси шахслар номидан иш кўраётган бўлса, ўша шахсларни текшириш, таъсис хужжатлари асосида мулк ва бошқарув тузилишини ўрганиш орқали бенефициар мулкдорни идентификациялаш, мижоз томонидан амалга ошириладиган амалий иш муносабатлари ва операцияларни, уларнинг бундай мижоз ва унинг фаолияти тўгрисидаги маълумотларга мувофиклигини текшириш мақсадида, доимий асосда ўрганиш;

хабар қилиниши лозим бўлган операциялар — ички назоратни ўтказиш давомида аудиторлик ташкилоти томонидан шубҳали деб топилган содир этилаётган ва тайёрланаётган пул маблағлари ёки бошқа мол-мулк билан боғлиқ бўлган ва махсус ваколатли давлат органига хабар қилиниши лозим бўлган операциялар;

шубҳали операция — тайёрлаш, содир этиш жараёнида бўлган ёки содир этиб бўлинган, мазкур Қоидаларни амалга оширишда аудиторлик ташкилотида жиноий фаолиятдан олинган даромадларни легаллаштириш ва (ёки) терроризмни молиялаштириш мақсадида унинг амалга оширилганлиги тўгрисида шубҳа туғдирган пул маблағлари ёки бошқа мол-мулк билан боғлиқ операциялар;

ички назорат тизими — жиноий фаолиятдан олинган даромадларни легаллаштиришга ва терроризмни молиялаштиришга қарши курашишни ташкил этиш ва мазкур Қоидаларга риоя этиш бўйича аудиторлик ташкилоти томонидан кўриладиган чора-тадбирлар мажмуаси;

махсус ваколатли давлат органи — Ўзбекистон Республикаси Бош прокуратураси хузуридаги Солик, валютага оид жиноятларга ва жиноий даромадларни легаллаштиришга қарши курашиш департаменти номидан Жиноий фаолиятдан олинган даромадларни легаллаштиришга ва терроризмни молиялаштиришга қарши курашиш бошқармаси (бундан кейинги ўринларда Департамент деб юритилади).

3. Ички назоратнинг максадлари куйидагилардан иборат:

жиноий фаолиятдан олинган даромадларни легаллаштириш ва терроризмни молиялаштиришга йўналтирилган пул маблағлари ёки бошқа мол-мулк билан боғлиқ операцияларни самарали равишда аниқлаш ва тўхтатиш;

аудиторлик ташкилотининг қасддан ёки қасддан булмаган жиноий фаолиятга жалб этилишига йул қуймаслик;

жиноий фаолиятдан олинган даромадларни легаллаштиришга ёки терроризмни молиялаштиришга қарши курашиш буйича аудиторлик ташкилоти томонидан қонун ҳужжатлари талабларига, шунингдек, пул маблағлари ёки бошқа мол-мулк билан боғлиқ операцияларни тайёрлаш ва амалга оширишда ички ҳужжатларига оғишмай риоя қилинишини таъминлаш.

4. Ички назоратнинг вазифалари қуйидагилардан иборат: қонун ҳужжатлари, мазкур Қоидалар ва ички ҳужжатларга мувофиқ

мижозларни лозим даражада текшириш буйича чора-тадбирларни амалга ошириш;

бенефициар мулкдорларни, шунингдек, операцияни амалга оширишда фойдаланиладиган пул маблагларини ва бошқа мол-мулкнинг келиб чиқиш манбаларини аниқлаш ва ўрганиш;

мазкур Қоидаларнинг 23-бандида белгиланган мезонлар асосида шубҳали операцияларни аниқлаш;

ички назоратни амалга оширишда аниқланган ва хабар қилиниши лозим булган шубҳали операциялар ҳақидаги ахборотларни (ҳужжатларни) Департаментга уз вақтида тақдим этиш;

алохида холларда хабар қилиниши лозим бўлган операцияларни ушбу операция амалга оширилиши лозим бўлган санадан бошлаб уч иш кунига тўхтатиб туриш ва бундай операция хакида у тўхтатилган кунда Департаментни хабардор қилиш;

жиноий фаолиятдан олинган даромадларни легаллаштиришга ва терроризмни молиялаштиришга қарши курашиш билан боғлиқ булган маълумотларнинг махфийлигини таъминлаш;

пул маблағлари ёки бошқа мол-мулк билан боғлиқ операциялар ҳақидаги ахборотни, шунингдек, мижозларни лозим даражада текшириш буйича идентификациялаш маълумотларини ва материалларни қонун ҳужжатларида белгиланган муддатларда сақланишини таъминлаш;

аудиторлик ташкилоти рахбариятини тегишли қарорлар қабул қилиш учун зарур булган ишончли ахборот ва материаллар билан тезкор ва мунтазам равишда таъминлаб бориш;

шубҳали операцияларнинг амалга оширилиши ёки амалга оширишга уринишлар, шубҳали операцияларни амалга оширган мижозлар билан боглиқ булган шахслар (раҳбарлар, таъсисчилар) туррисидаги маълумотлар базасини шакллантириш, шунингдек, қонун ҳужжатларига мувофиқ бундай ахборотни давлат органлари ва бошқа ташкилотлар билан узаро айирбошлаш;

банклардан сўров бўйича терроризмни молиялаштириш билан боглиқ шахслар тўгрисида ахборотни аниқлаш.

II. Ички назорат тизимини ташкил этиш

- 5. Ички назоратни ташкил этиш мақсадида аудиторлик ташкилотларида аудиторлик ташкилоти рахбари буйруғи билан мазкур Қоидаларга риоя этилишига масъул булган шахс (бундан кейинги уринларда масъул шахс деб юритилади) тайинланади. Буйруқ нусхаси буйруқ қабул қилинган кундан бошлаб беш кун ичида Узбекистон Республикаси Молия вазирлигига юборилади.
- 6. Аудиторлик ташкилотларининг ички назорат тизими уларнинг фаолият кўрсатиш хусусиятлари, фаолиятининг асосий йўналишлари, мижозлар ва уларнинг операциялари билан боглик мижозлар базаси ва таваккалчилик даражасини хисобга олган холда ташкил этилади.

7. Жиноий фаолиятдан олинган даромадларни легаллаштиришга ва терроризмни молиялаштиришга қарши курашиш мақсадида масъул шахс қуйидаги функцияларни бажаради:

мазкур Қоидаларга мувофиқ ички назорат жараёнини ва мижозларни лозим даражада текширишни жорий этиш ва амалга оширилишини ташкил этали:

аудитор ташкилоти фаолиятининг ўзига хос хусусиятларидан келиб чиққан ҳолда, ички назоратни амалга ошириш бўйича ички ҳужжатлар ва дастурларни ишлаб чиқади ҳамда раҳбариятга тасдиқлаш учун киритади;

ички назоратни амалга ошириш давомида аниқланган мижозларнинг шубҳали операциялари тўгрисидаги хабарларни аудиторлик ташкилоти раҳбарияти билан келишган ҳолда Департаментга ўз вақтида юборилишини, шунингдек, Департаментнинг қўшимча ахборот такдим этиш тўгрисидаги сўровларининг бажарилишини таъминлайди;

мазкур Қоидалар ва ички назорат дастурларини амалга ошириш жараёнининг махфийлигини таъминлайди.

8. Масъул шахс қуйидагиларга эга:

ўз ташкилотининг рахбарлари ва ходимларидан ички назоратни амалга ошириш учун зарур бўлган ташкилий-бошқарув, бухгалтерлик ва бошқа ҳужжатларни талаб қилиб олиш;

олинган хужжатлардан нусха кўчириш, ички назоратни амалга ошириш мақсадида аудитор ташкилотининг электрон маълумотлар базаларида, махаллий хисоблаш ва автоматлаштирилган компьютер тизимларида сақланаётган файл ва бошқа ёзувлардан нусхалар олиш;

хабар қилиниши лозим бўлган операциялар бўйича келгусидаги хатти-харакатларга оид (шу жумладан, мижоз ёки операция тўгрисида қўшимча ахборот олиш ёки мавжуд ахборотни текшириш мақсадида ўтказила-ётган операцияни тўхтатиб туриш бўйича) таклифларни рахбариятга киритиш.

қонун ҳужжатларига мувофиқ бошқа ҳаракатларни амалга ошириш.

9. Масъул шахс қуйидагиларга мажбур:

ички назоратни амалга ошириш жараёнида олинган хужжатларнинг сақланиши ва қайтарилишини таъминлаш;

мижозларни лозим даражада текширишни амалга ошириш;

бенефициар мулкдорларни идентификациялаш буйича чораларни амалга ошириш;

шубҳали операциялар аниқланганда, белгиланган тартибда Департаментга хабар бериш;

олинган маълумотнинг махфийлигига риоя қилиш.

қонун хужжатларида назарда тутилган бошқа талабларни бажариш.

10. Аудиторлик ташкилотлари масъул шахслар тўгрисидаги маълумотларни хисобот давридан кейинги ойнинг 10-санасига қадар бир йилда бир марта Ўзбекистон Республикаси Молия вазирлигига такдим этади.

- 11. Агар хисобот йилида масъул шахс ўзгарган такдирда, аудиторлик ташкилотлари ўзгариш қабул қилинган санадан кейин 5 кун муддат ичида тегишли ўзгартиришларни тасдикловчи хужжатларни Ўзбекистон Республикаси Молия вазирлигига такдим этишлари лозим.
- 12. Ўзбекистон Республикаси Молия вазирлиги аудиторлик ташкилотларидаги масъул шахслар тўгрисидаги маълумотларни хар йили хисобот йилидан кейинги ойнинг 15-санасидан кечиктирмаган холда Департаментга такдим этади.
- 13. Агар ҳисобот йили давомида аудиторлик ташкилотларида масъул шахслар ўзгарса, Ўзбекистон Республикаси Молия вазирлиги аудиторлик ташкилотидан тегишли ўзгаришларни тасдиқловчи ҳужжатларни олган кундан бошлаб 5 кун ичида Департаментга қўшимча равишда хабар беради.

III. Мижозларни лозим даражада текшириш

14. Аудиторлик ташкилотлари қуйидаги ҳолатларда мижозларни лозим даражада текшириш буйича чора-тадбирларни амалга оширади:

бухгалтерия ҳисобини юритиш буйича профессионал хизматларни курсатиш учун мижозлар билан шартномалар тузишда;

амалга оширилаётган операцияларнинг жиноий фаолиятдан олинган даромадларни легаллаштириш ёки терроризмни молиялаштириш мақсадида эканлигига ҳар қандай шубҳа мавжуд булса;

мижоз ҳақида аввал олинган маълумотларнинг тўғрилигига шубҳа мавжуд бўлса.

- 15. Мижозларни лозим даражада текшириш бухгалтерия ҳисобини юритиш буйича профессионал хизматларни курсатишнинг барча босқичида амалга оширилиши лозим.
- 16. Мижозни ёки бенефициар мулкдорни идентификациялаш билан бир каторда, конун хужжатларига мувофик улар томонидан такдим этиладиган хужжатлардан фойдаланган холда уларнинг операцияни амалга ошириш учун ваколатини текшириш лозим.
- 17. Мижоз бухгалтерия ҳисобини юритиш буйича профессионал хизматларни курсатиш учун шартнома тузиш ҳаҳида бир ёки бир неча марта мурожаат ҳилганида, аудиторлик ташкилоти ҳуйидагиларга мажбур:

қонун хужжатлари ва мазкур Қоидалар талабларига мувофик операция буйича мижозни ёки фойда олувчини идентификациялаш;

ушбу мижознинг аввалги хисобот даври (ой, чорак, ярим йил, йил) мобайнида амалга оширган операцияларини, агар бундай операциялар тўгрисидаги маълумотлар мавжуд бўлса, ўрганиб чиқиш;

операция турини ҳамда унинг мижоз — юридик шахснинг таъсис ҳужжатларида белгиланган фаолият турига ва мақсадига мувофиқлигини аниқлаш;

ўзининг иш хужжатларида аниқланган шубҳали операцияларни қайд этиш.

- 18. Мижозни идентификациялаш пайтида аудиторлик ташкилотлари давлат руйхатидан утказилганлиги туррисидаги гувохномани, ташкилий-хукукий шакл туррисидаги, жойлашган жойи, рахбарлари туррисидаги маълумотларни, шунингдек, таъсис хужжатларида курсатилган бошка маълумотларни урганиши лозим.
 - 19. Мижозни янада батафсилроқ ўрганиш мақсадида:

мижознинг таъсис хужжатлари (руйхатдан утказилган барча узгартиришлар ва қушимчалар билан) ва давлат руйхатидан утказилганлиги турисидаги гувоҳноманинг расмийлаштирилишига;

мижознинг бошқарув органларининг тузилиши ва уларнинг ваколатларига;

мижознинг руйхатдан утказилган устав фондининг (капиталининг) микдорига;

бухгалтерия хисобининг регистрлари ва бирламчи хисоб хужжатларининг расмийлаштирилишига алохида эътибор бериши лозим.

20. Аудиторлик ташкилоти мижоз томонидан такдим этилаётган ахборотни:

давлат органлари ва бошқа ташкилотлардан мижоз тўгрисида олинган маълумотлардан фойдаланиш;

мижознинг аввалги аудиторлик ташкилотлари билан ўзаро муносабатларини ўрганиш;

мижознинг ишчанлик тўгрисидаги маълумотларни йигиш орқали текшириш хуқуқига эга.

- 21. Мижозни идентификациялаш жараёнида аудиторлик ташкилоти бенефициар мулкдорларни идентификациялаш буйича, шу жумладан, мижоз мол-мулкининг тузилишини ўрганиш йули билан асосланган ва зарур чоратадбирлар қулланиши лозим.
- 22. Мижоз томонидан идентификациялаш учун зарур бўлган хужжатлар такдим этилмаган такдирда, аудиторлик ташкилотлари уларга бухгалтерия хисобини юритиш бўйича профессионал хизматларни кўрсатишни рад этадилар.

IV. Хабар қилиниши лозим булган операцияларни аниқлаш мезонлари ва тартиби

23. Пул маблағлари ва бошқа мол-мулк билан боғлиқ операция қуйидаги ҳолатларда шубҳали деб топилиши мумкин:

мижоз томонидан зарурат туфайли сўралаётган, шу жумладан, ишонч билдирувчи (агар мижоз ишончли вакил сифатида иш юритаётган бўлса) ҳақидаги маълумотларни тақдим этишни сабабсиз рад этилиши;

одатдаги амалиётдан фарқ қиладиган ҳисоб-китобларни амалга ошириш тартиби буйича расмий булмаган, сохта ҳужжатлар ва ностандарт йуриқномалар мавжуд булганда;

ҳисобга олинмаган молия-хужалик операциялар мавжуд булганда ва ҳисоб-китоб ҳужжатлари белгиланган муддатлардан олдин йуқ қилинганда;

мижознинг хизмат курсатишнинг фойдалироқ шартларига нисбатан эътиборсиз булиши, шунингдек, мижоз томонидан айни турдаги хизматлар курсатишдаги оддий туловдан фарқ қиладиган юқори мукофотнинг таклиф этилиши;

мижознинг операциялари яққол иқтисодий мохиятга эга булмаса, унинг таъсис хужжатларида ёки давлат руйхатидан утказилганлиги туррисидаги гувохномасида келтирилган фаолиятининг мақсадларига турри келмаса;

битимга мижоз фаолиятига тўгри келмайдиган қўшимчалар ва ўзгаришлар киритилганда;

мижоз томонидан аввал келишилган операцияга (битимга) бевосита уни амалга оширилишидан олдин купрок, айникса, пул маблаглари ёки бошка мол-мулк харакати йуналишига тааллукли узгартиришларнинг киритилиши;

мижоз ҳақидаги маълумотнинг мавжуд эмаслиги, шунингдек, мижоз томонидан курсатилган манзил ва телефонлар орқали у билан алоқа урнатиш имконининг йуқлиги;

мижоз томонидан ахборот ва хужжатларнинг тақдим этилишининг асоссиз равишда кечиктирилиши ёхуд мижоз томонидан текшириб булмайдиган ахборот тақдим этилиши;

мижоз томонидан битим иштирокчилари ҳақида била туриб ёлғон ахборот ва нотўгри маълумотларнинг тақдим этилиши;

агар мижоз ёки операция иштирокчиларидан бири жиноий фаолиятдан олинган даромадларни легаллаштиришга ва терроризмни молиялаштиришга қарши курашиш соҳасидаги халқаро ҳамкорликда иштирок этмайдиган давлатларда доимий яшайдиган, турадиган ёки руйхатга олинган булса;

қонун ҳужжатлари билан белгиланган назорат жараёнидан қочишга қаратилган деган ҳулосани чиқаришга асос буладиган операциялар ёки битимларнинг бир неча бор амалга оширилганлиги аниқланганда;

операцияни амалга оширишда фойдаланилган пул маблаглари ёки бошка мол-мулклар жиноий йўл билан топилган деган ҳар қандай шубҳанинг мавжуд бўлиши.

- 24. Операцияни шубҳали деб тан олиш ҳар бир аниқ ҳолатда ушбу Қоидалар ва ички ҳужжатлар билан ўрнатилган шубҳалилик мезонларидан фойдаланган ҳолда ўтказиладиган комплекс таҳлил асосида, шунингдек, мижоз шаҳси, унинг обруси, амалий иш муносабатларининг ҳусусияти, битимнинг асослари, мақсадлари, ҳажми ва тури, уни амалга ошириш усули билан ҳамда шубҳали операцияни тӱ́ғри аниқлаш учун аҳамиятли бӱ́лган бошқа ҳолатлар асосида аниқланадиган таваккалчилик ҳавфига боғлиқ равишда амалга оширилади.
- 25. Пул маблағлари ёки бошқа мол-мулк билан боғлиқ ҳар қандай операция, шу операцияларнинг тарафларидан бири:

террорчилик фаолиятида иштирок этаётган ёхуд иштирок этишда гумон қилинаётган юридик ёки жисмоний шахс;

террорчилик фаолиятини амалга ошираётган ёхуд амалга оширишда гумон килинаётган ташкилотнинг бевосита ёки билвосита мулкдори булган ёхуд уни назорат килаётган юридик ёки жисмоний шахс;

террорчилик фаолиятини амалга ошираётган ёки амалга оширишда гумон қилинаётган жисмоний шахснинг ёхуд ташкилотнинг мулкидаги ёки назорати остидаги юридик шахс эканлиги ҳақида белгиланган тартибда олинган ахборот мавжуд булса, Департаментга хабар қилиниши ва тухтатиб турилиши керак.

Бундай холларда аудиторлик ташкилотлари пул маблағлари ёки бошқа мол-мулк билан боғлиқ операцияни бу операция бажарилиши лозим булган санадан эътиборан уч иш кунига тухтатиб туришга ва ушбу операция ҳақида уни тухтатиб қуйилган куннинг узида Департаментни хабардор қилишга мажбур. Пул маблағлари ёки бошқа мол-мулк билан боғлиқ операцияни тухтатиш ҳақида Департаментнинг курсатмаси булмаганда, курсатилган муддат тугаши билан аудиторлик ташкилоти тухтатилган операцияни тиклашга киришади.

26. Мижознинг операцияси шубҳали деб топилгандан сунг, масъул шахс шубҳали операцияни амалга оширишга тайёргарлик курилаётганлигини ёки амалга оширилганлигини тасдиқловчи асосланган ҳужжатларни тайёрлайди ва аудиторлик ташкилоти раҳбарига куриб чиқиш учун тақдим этади, раҳбар мижозга нисбатан келгусидаги хатти-ҳаракатлар ҳақида қарор қабул қилади, жумладан:

шубхали операция тўгрисида Департаментга хабар бериш ҳақида;

операция шубҳали деб тан олинганлиги тӱғрисида мижоз билан бевосита иш олиб бораётган аудиторларга хабар бериш ҳақида;

мижоз тўгрисида қўшимча ахборот олиш ҳақида;

мижоз билан операция ўтказишга алохида эътибор қаратиш лозимлиги хакила:

қонун ҳужжатлари ёки у билан тузилган шартномага мувофиқ мижоз билан муносабатларни тугатиш ҳақида;

қонун хужжатларига мувофиқ бошқа харакатлар.

- 27. Шубҳали операция тӱғрисидаги хабар операция шубҳали деб топилган вақтдан бошлаб бир иш кунидан кечиктирмай Ӱзбекистон Республикаси Вазирлар Маҳкамаси томонидан белгиланган тартибга мувофиқ аудиторлик ташкилоти томонидан Департаментга тақдим этилади.
- 28. Аудиторлик ташкилоти тегишли операцияни тасдикловчи ёки ундан шубхани олиб ташловчи ҳар қандай ахборот ҳақида зудлик билан Департаментга хабар бериши лозим.

V. Ички назоратни амалга ошириш натижасида олинган ахборот ва хужжатларни расмийлаштириш, сақлаш, махфийлигини таъминлаш

29. Аудиторлик ташкилотлари пул маблағлари ёки бошқа мол-мулк билан боғлиқ операциялар тўғрисидаги ахборотни, шунингдек, мижозларни лозим

даражада текшириш буйича идентификациялаш маълумотларини ва материалларни конун хужжатларида белгиланган, лекин операциялар амалга оширилганидан ёки мижоз билан муносабатлар тухтатилганидан кейин беш йилдан кам булмаган муддатлар мобайнида саклашлари шарт.

- 30. Аудиторлик ташкилотлари жиноий фаолиятдан олинган даромадларни легаллаштиришга ва терроризмни молиялаштиришга қарши курашиш билан боғлиқ булган ахборотдан эркин фойдаланишни чеклайдилар, уни тарқалиб кетмаслигини таъминлайдилар ҳамда юридик ва жисмоний шахсларга, уларнинг операциялари ҳақида Департаментга маълумот берилганлиги туррисида ахборот беришга ҳақли эмаслар.
- 31. Аудиторлик ташкилотлари ўз ходимлари томонидан ички назорат бўйича функцияларини бажариш жараёнида олинган ахборотларни бошқаларга ошкор қилмасликларини (ёхуд шахсий мақсадлар ёки учинчи шахслар манфаатлари учун фойдаланишга рухсат берилмаслигини) таъминлайдилар.

VI. Якуний қоидалар

- 32. Аудиторлик ташкилотлари томонидан мазкур Қоидалар талабларига риоя этилиши устидан мониторинг ва назорат Молия вазирлиги ҳамда Департамент томонидан амалга оширилади.
- 33. Жиноий фаолиятдан олинган даромадларни легаллаштиришга ва терроризмни молиялаштиришга қарши курашиш соҳасидаги қонун ҳужжатлари бузилганлиги ҳолларини яширишда, шунингдек, мазкур Қоидалар талабларининг бузилишида айбдор булган шахслар қонун ҳужжатларида белгиланган тартибда жавобгарликка тортиладилар.